

Vischnaunca politica Andiastr

Radunonza communal dils 18 da december 2009

1. Beinvegni ed elecziun dil dumbravuschs

President communal Sievi Sgier fa in cordial beinvegni. Sco dumbravuschs vegn Priska Capaul proponida ed elegida. Encunter la gliesta da tractandas dat ei neginas objecziuns.

2. Prelecziun ed approvaziun dil protocol dils 23 d'october 2009

Il protocol dalla davosa radunonza communal dils 23 d'october 2009 vegn prelegius ed approbaus unanimamein.

3. Presentaziun ed approvaziun dil preventiv communal 2010

Il quen current 2010 siara suenter expensas da frs. 1'136'050.00 ed entradas da frs. 1'056'250.00 cun in surpli d'expensas da frs. 79'800.00. Amortisaziuns ordinaris sin la facultad administrativa ein vegnid as pridas avon ell'altezia da total frs. 210'000.00.

Il quen d'investiziun 2010 siara suenter expensas da frs. 440'000.00 ed entradas da frs. 304'000.00 cun investiziun netto da frs. 136'000.00. Las pli impurtantas investiziuns egl onn 2010:

- 5. etappa dalla sanaziun dallas vias da fons
- sanaziun digl aquaduct
- sanaziun dil tuchiez

La radunonza fa buca diever dalla discussiun. La suprastonza communal fa la proposta dad approbar il preventiv communal 2010.

Il preventiv communal 2010 vegn approbaus unanimamein.

4. Fixaziun dil pei da taglia pigl onn 2010

Il pei da taglia actual munta a 125% dalla taglia cantunala sempl. Muort las investiziuns previdas sco menziunau sut tractanda 3 eis ei buca previu da sbassar il pei da taglia.

La suprastonza communal fa consequentamein la proposta da schar il pei da taglia sin 125% dalla taglia cantunala sempl.

Unanimamein vegn concludiu da schar il pei da taglia sin 125% dalla taglia cantunala sempl.

5. Approbaziun dalla revisiun parziala dils statuts dalla corporaziun da scola Rueun e contuorn

A caschun dalla radunonza communal da dils 6 da mars 2009 han vischinas e vischins decidiu da sligiar il consorzi da scola e scoletta Vuorz/Andiast ed integrar quel ella corporaziun da scola Rueun e contuorn.

Sin fundament da quella decisiun (ch'ei era vegnida prida dallas ulteriuras vischnauncas cumpigliadas) ei vegniu elaborau ils novs statuts dil consorzi da scola Rueun, ils quals ein vegni approbai dalla radunonza da delegai dils 29 d'october 2009.

Igl intent dalla corporaziun vegn descrets en art. 2 dils statuts e secloma sco suonda:

Las vischnauncas s'uneschan ad ina Corporaziun da scola per menar comunablamein la scoletta, la scola primara e la scola superioriura.

La revisiun parziala dils statuts entra en vigur cun l'entschatta digl onn da scola 2010/11. Naven da quei onn da scola vegness menau in menaschi communabel cun sulettamein in cussegl da scola, cun in representant ord mintga vischnaunca.

Ils scolars da Vuorz ed Andiast restassen en casa da scola a Vuorz entochen igl onn da scola 2013/14.

La suprastanza communal fa la proposta d'approbar la midada parziala dils statuts dalla corporaziun da scola Rueun e contuorn.

La midada parziala dils statuts dalla corporaziun da scola Rueun e contuorn vegn approbada unanimamein.

6. Varia

Apero Daniev: Il president Sievi Sgier fa attents sigl usitau apero da Daniev, il qual vegn ad haver liug igl 1. da schaner 2010 allas 16.00 uras sin plaz posta. Dallas 17.00 uras vegn presentau il film "Nies vitg" en halla da gimnastica. Tal film ei vegnius registraus els onn 60 – 80 ed ei uss vegnius digitalisau.

Sbuau Alp Miez: President Sievi Sgier informescha ils presents davart il sbuau sill'Alp Miez. En quei connex sa vegnir remarcau ch'il Padrinadi svizzer per vischnauncas muntagnardas ha contribuìu finanziamein cun ina summa ell'altezia da frs. 22'000.00.

Andiast, ils 18 da december 2009

Il president:

Igl actuar:

Sievi Sgier

Giovanni Damiano